

¡BOMBA!

La prosa de Vargas Llosa fue pilar del *boom* latino es indudable que goza de ser último de ese sino



K'uintsil

Lunes 14 de abril de 2025

CAMPECHE · YUCATÁN · QUINTANA ROO · AÑO 10 · NÚMERO 2458 · www.lajornadamaya.mx

Cat Powere' tu péeksaj u yóol máaxo'ob múuch' ti'al u yu'uba'al u k'aay tu kaajil Izamal

Ts'íib yéetel oochel Rodrigo Medina / 21



Chan Marshall aka Cat Powere' jóok' ichil u atrioil Ex Convento San Antonio de Padua tu noj kaajil Izamal. U takmaj jump'éel xk'éewel nook' ka'aj wa'alaj k'aay tu táan kex 400 máako'ob múuch' te'elo', máaxo'ob tu yu'ubajo'ob óoli' maanal jump'éel hora le jejeláas k'aayo'ob u beetmaj ti' u meyaj.

U xk'aayil folk, blues yéetel rocke' k'ajóolta'an tumen u k'aaye' ku jach bek'échtal yéetel ku jach kóochtal, ts'ooke' tumen ba'ax ku ya'alik tu k'aaye', ku na'ata'al tumen máaxo'ob u'uyik.

Káaj u k'aay tu kaajil Izamale' kex 15 minutos mi'ili' u chuk las 9 áak'ab. Chéen láak'int'a'ab tumen batería, guitarra yéetel teclado. Lalaj súutuk

ichil u k'aaye', Chane' t'aanaj yéetel máaxo'ob jbin u cha'antej ka'aj tu ya'alaje' u yaabiltmaj Yucatán.

Marshalle' tu k'aataj tak u k'aaba' le "xk'an loolo", ka'aj núuka'ab ti'e: "Cempasúchil". Che'ejtab ti' úuchik u ts'áakubáaj u ya'alej ba'ale' ma' jtsa'ayi.

Jujump'íitil úuchik u yuk'ik jump'éel té, ka'alilik xan tu k'ayaj Bad Religion,

Wanderer yéetel de a capellae' *Can't Give You Anything but Love, Baby*, beeta'an tumen Billie Holiday, yéetel le tu ts'o'oksaj le súutuko'.

Cha'ane' jbeeta'abtumen u mola'ayil Secretaría de Cultura y las Artes de Yucatán, ikil u bin u kaxta'al u je'ebel uláak' joolnajo'ob ti'al yucatanilo'ob ku meyajtik'o'ob arte xan.